Zeitschrift: Le nouveau conteur vaudois et romand

Band: 81 (1954)

Heft: 3

Artikel: Lé patésan dzoratas à Ver-tsi-lé-Bllian

Autor: Djan

DOI: https://doi.org/10.5169/seals-228894

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. Mehr erfahren

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. En savoir plus

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. Find out more

Download PDF: 01.11.2025

ETH-Bibliothek Zürich, E-Periodica, https://www.e-periodica.ch

La page Vaudoise Lé patésan dzoratas à Ver-tsi-lé-Bllian

Oïe, no zin zu onna tota bouna tenabllia dein clli galé câro don Dzorat, la demindze 25 don mâ passa. Lou segrètèro dè l'Amicala dè Savegny-Fory avâi invouyi onna tièsanna dè babelliarde d'invitachon que san bin tsezâte, du que ti clliau z'invitâ san vegnu: tot soreseint, tot conteint dè sè trova po oûre et dévesâ lou patois.

Mâ in avâi assebin dè pllie llhien: dè Losena, dè Mordze, dè Poindaô, dè Ropraz et ne sé pa trão du hiau. Suffi que noutron paîlo don Café populaire dè Ver-tsi-lé-Bllian étâi trâo petit po to clli mondou. Clliau que n'an pa trova pllièce sé san consola in devesan intrè leu din na tsambretta da coûté, hiau sé san pa trâo innouyï. Tot para, on outro iadzo, foudra sè trova on païlo pllie gran. No fau dan fére dâi complliemin à clliau z'ami dè per lé, que sé san dématena po veni. Fau dere que noutrè patésanne dè clli payi, lè dame R. Bllian et Périraz, l'an fé dè la bouna réclliâma, et pu l'an fé dâi breci, dâi coucon, dâi boune tsouze qu'allâvant bin avoé lou vin à Dhhizérin, que n'è pa don penatzet!

Noutron précaut Fontannaz îre on pou éberluâ dè vère arrevâ tant dè

dzein. Mâ étâi tot para vedzet quemet on dzouveno po dere à ti la binvegnata, avoé dâi bon mot et dâi nioqueri que san plienne d'esprit. Lou segrétèro Patz l'a liai lou ressouveni dè l'assimblliaïe dè Fory don 26 avri, qu'on a attiutâ avoé grant' atèchon. On a discutâ on momenet po tatzi d'inmandzi onn'amicala dè vilhio dévesâ po Ver-tsi-lé-Bllian et Montbiesson, mâ po sti proumi iadzo on n'a rèt pu décidâ.

Du cèt, nin zu dâi producchon et dâi tote galéze, min dè molonîte; dâi banbeioule, dâi tsanson; la dierrâ dè Saint-Dzâquiè qu'a tan bin su dere noutr'ami Janin, lou sympathique moustatsu dè Montheron, lé galéze à Dony dè Montbiesson, iena à Ella dè Savegny, onna tota vilhie d'onna dama Meystre dè Losena que no z'a fé tan plliési, on outra d'onna dama dè Jouxtens, dâi copliet su Henri Kissling dè noutron segrètèro et dâi z'outrè que ne pu pa tot dere. Cèt ne volliâve pa botzi.

Tot para, proutze dé cin hâore, Fontannaz a chondzi qu'on in avâi pro oïu et l'a bocclià cllia balla tenabllia. Foudra in référe iena sti l'hivè. Grâmaci à ti clliau que san vegnià et qu'an contà otie.

Djan dâi Biolle.

